

DISSERTATIO MEDICO- PRACTICA
I N A U G U R A L I S,

D E

HÆMOPTOË.

QUAM,

PRÆSIDE SUMMO NUMINE,

Ex Auctoritate Magnifici Rectoris

HERMANNI OOSTERDYK SCHACHT,

A. L. M. PHIL. ET MED. DOCTORIS, HUIUSQUE
THEOR. ET PRACTICAE PROFESSORIS,

NEC NON

Amplissimi SENATUS ACADEMICI Consensu,
& Nobilissimae FACULTATIS MEDICÆ Decreto;

PRO GRADU DOCTORATUS,

Summisque in MEDICINA Honoribus ac Privilegiis
rite & legitime consequendis,

Eruditorum Examini submittit,

ISAAC ELIESER AUGAR, Bitau - Cassub.

Ad diem 14. Augusti 1734. horâ locoque solitis.

LUGDUNI BATAVORUM,

Apud CONRADUM WISHOFF.

DISSEMINATION OF KNOWLEDGE
IN AMERICA

MEMORIAL

TO THE
COMMISSIONERS OF THE
LAND OFFICE
WASHINGTON, D. C.

IN RESPONSE TO A RESOLUTION
PASSED BY THE HOUSE OF REPRESENTATIVES
JANUARY 18, 1890

AND TO THE
SENATE

IN RESPONSE TO A RESOLUTION
PASSED BY THE SENATE
JANUARY 18, 1890

AND TO THE
COMMISSIONERS OF THE
LAND OFFICE

WASHINGTON, D. C.
JANUARY 18, 1890

ILLUSTRISSIMO ET EXCELLEN-
TISSIMO,

DOMINO, DOMINO,

A. HENRICO DE CHEUSSES,

GUBERNATORI

COLONIARUM, FLUMINUM,
MUNIMENTORUM ET PROVINTIARUM
SURINAMENSIVM,
QUÆ SUNT

IN

INDIIS, OCCIDENTEM SPECTANTIBUS,
PRÆFECTO COPIARUM,

ET

PRÆSIDI OMNIUM COLLEGIORUM,
ETC. ETC. ETC.

DOMINO SUO BENIGNISSIMO:

*Ad significandum cultus & ob-
servantiæ sempiternum af-
fectum, huncce charta-
ceum foetum*

D. D. D.

AUCTOR.

11 NOVEMBRO DE 1911

11 NOVEMBRO DE 1911

DOMINGOS, DOMINGOS

A. HENRIQUE DE CHAUSSER

GUBERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR

GOVERNADOR



DISSERTATIO MEDICO. PRACTICA

INAUGURALIS

D E

HÆMOPTOE.

§. I.



Organum illud machinæ nostræ hydraulico pneumataulicum, quod morbo sedem præbet describendo, Pulmo vocatur. Hujus ergo prius fabrica danda erit & functio, antequam ad materiæ propositæ exarationem nervos intendam. Non vero amplam absolutamque hujus visceris investigationem sequentes exhibebunt pagellæ, (lex enim hoc non exigit academica, nec temporis permittit angustia), dixisse sufficit, quantum ad Hæmoptoes cognitionem requiritur.

§. 2. Pulmo est viscus, in thoracis cavitate positum, quod aërem & sanguinem per certa vasa, certum in finem omni momento excipit & expellit. Cum vero viscus vocetur pars H. C. viventis organica, quæ liquida toti corpori fere communia accipit, mutat, & toti corpori

DISSERTATIO MEDICO-PRACTICA

communicat, quare & pulmo viscus vocari meretur.

§. 3. Aeri dicatum vas est aspera arteria. (1.) canalis oblongus, conicus, (2.) nunquam nostra voluntate clausus, (3.) circa quartam in thorace vertebram bifidus, mox ex quamplurimis ramis mobilibus, sibi ad angulos invicem acutos adcumbentibus constructus, (4.) in principio & decursu ex segmentis cartilagineis orbicularibus, posteriori parte abscissis, ubique membrana crassa conglutinatis, & vinculo inter se musculofo forti connexis, constans, (5.) ad finem vero non amplius in cartilagineas, sed cœcas, extensiles, ovaies, plicatiles, elasticas, & fere infinite parvas membranaceas apices, vesiculas, sive cellulas sic dictas Malpighianas terminans.

§. 4. Duabus fistula hæc (§. 3.) musculosis & elasticis investitur tunicis: (1.) exteriore tenui, fibris longitudinalibus prædita, (2.) interiore, crassiore, retiformi, lubrica, admodum lævi, mollique, glandulis unctuosum humorem fecernentibus repleta.

§. 5. Vasa pulmonis sanguifera (§. 2.) *nutrientia* existunt & sic dicta *trajectoria*. Illa à Cl. *Ruyfchio*, primum bene descripta sunt. (1.) Multifariam naturæ lusum circa arteriæ bronchialis in homine ortum scriptis suis consignarunt, viri in rimandis machinæ nostræ mysteriis indefessi, *Ruyfchius* & *Winslow*, quare brevitati studens B. L. illic ablego. Adnectitur dein bronchiis, unaque cum his totum pulmonis viscus perreptat. (2.) Vena ejusdem nominis arteriam comitatur, & vel venam azygos vel intercostales ingreditur. Hæc, arteria & vena vocantur *pulmonares*. Arteria è cordis sinu dextro egressa, in duos ramos divisa, cum bronchiorum ramulis ubique juncta, ultimis suis ramulis vesicularum Malpighianarum (§. 3. n. 5.) substantiam, earumque intercapedines reti coronat mirabili, tandemque extremitatibus suis anastomosi infinita in ramulorum venæ pulmonalis definit initia, qui sensim majores facti & in quatuor ramos divisi, sinistro cordis ventriculo inferuntur.

Cum

§. 6. Cum ergo pulmo (§. 2.) ex vasis constet aereis (§. 3.) & sanguineis (§. 5.) ut usum illorum contemplemur ordo requirit.

§. 7. Aër, qui (uti jam alibi à *Boyleo* & *Mariotto* demonstratus) fluidus, gravis & elasticus est, si in vase conico, ex basi in apicem comprimitur, singula laterum puncta prementur per eam vim, qua pollet altitudo columnæ in singula puncta arietans: cum vero in vase conico ibi sit maxima pressio, ubi maxima columna est, hæc vero cylinder sit, cujus basis est apex, & cujus altitudo est altitudo incumbentis fluidi, patet, quod ad asperam arteriam (§. 3.) quæ ut canalis conicus (ibid. n. 1.) definita, qui ex basi in apicem dehiscit, eadem adplicari possunt, quæ ad dicta. Aër ergo premet in singula tracheæ laterum puncta, juxta columnarum incumbentium altitudinem, omnium maxima vero pressio erit in canalibus extremitatibus: his vero cum sint apices membranaceæ, coecæ (§. *ibid.* n. 5.) adpensæ, pressio autem fluidi in omni spatio æqualis sit, facile concipitur has apices extensiles à suo centro æquabiliter distendi, i. e. abire in figuram sphaericam, vel demonstratam à *Bernoullio* sphæroideam, necessario hinc paucioribus se mutuo contingere punctis, & vesicularum augere interstitia, bronchiorum hinc quoque ramos, qui vesicularum propagines sunt, propter dilatationem pectoris extrorsum i. e. ad angulos obtusos pelli, unde inspirationis modus concipitur. Cum vero per diaphragmatis, costarum, & musculorum abdominis motum pulmo comprimatur, vesiculæ aeræ basin spectant latissimam, non compressilem cartilagineam: aër hinc in vesiculis contentus minimam sequitur resistantiam, propelletur ergo versus exteriora, unde bronchiorum rami sibi ad angulos acutos incumbent, & vesicularum superficies se in plurimis contingent punctis i. e. erunt conlapsæ. Cognoscitur sic quid sit exspiratio.

§. 8. Cum ergo in inspiratione (§. 7.) vesiculæ (§. 3. n. 5. §. 5.) aeræ, figuram induant sphaericam (§. 7.) unde

unde inter duas tales spatium augetur, & similis sit bronchiorum, dum ad majores angulos elewantur ratio, in intercapedinibus vero corpora quædam contineantur, quæ vasa sanguinea esse (§. 5. 6.) constat, luculenter adparet quod illa multo majus & liberius spatium nanciscantur, unde sanguis dextri cordis vi, quæ ex demonstratione *Borelli* quam maxima est, ad extremitates propulsus in venarum initia pervenire potest. In expiratione vero (§. 7.) pulmonibus conlapsis necessario intercapedines, quæ in priori casu amplæ erant, omnium minimæ evadere debent; hinc vasa sanguifera, prius à vesicularum extensione libera jam ab illarum, post aëris egressum, conlapsu, maxime coarctantur.

§. 9. Concipitur hinc facile totus pulmonis effectus. Cum enim in inspiratione (§. 7. 8.) vesicularum spatia intermedia (§. 3. n. 5. §. 5. 7. 8.) successive augeantur; in expiratione vero (§. 7. 8.) spatia illa successive minuantur, fit, ut inter 2^o humores nunquam æqualiter premantur, sed reciproce pellantur, conquassentur, atterantur, mutantur, solvantur, minuantur, & sic aptiores reddantur, ut faciliori negotio ad omnia corporis puncta adcedere possint.

§. 10. Vasa pulmonis sanguinea (§. 2. 5. 8.) sunt subtilissima structura & minutissima; nam cellulae Malpighianæ sunt ferè infinitè parvæ, (§. 3. n. 5.) sed harum intercapedines reti vasorum coronantur mirabili (§. 5.) hinc & structuram illorum minutissimam esse sponte liquet, ut mixtus cum sanguine chylus eo melius ope respirationis (§. 7. 8.) innumeris in locis atteri, diffringi & solvi (§. 9.) queat.

§. 11. Cum vero vasa descripta (§. 5. 10.) sint subtilissima; (§. 10.) impetus vero inruentis sanguinis sit magnus, (§. 8.) quis non videt, à quacumque demum adcedente causa, externa, vel interna, ea facile posse dilatari, disrumpi & erodi.

§. 12. Quando ergo ex hisce vasis (§. 2. 5. 8. 10. 11.) dilatatis, disruptis vel erosis (§. 11,) sanguinis spumosi, puri,

puri, & coccinei coloris per asperam arteriam (§. 3, 4.) cum sensu pruriginosæ titillationis & moderati caloris tusiendo oritur ejectio, morbus vocatur Hæmoptöe.

§. 13. Causa est ens physicum, simplex, vel compositum, quod sufficientem rationem, cur alterum existat, in se continet. Dicendum igitur erit, quodnam sit illud, in quo ratio sufficiens est, cur effectus morbi sequatur.

§. 14. Ponamus hominem temperiei laxæ, cujus fibræ sint nimis debiles & teneræ: maneat vero impetus à corde impulsus, ut vasa ex fibris ejusmodi composita sic dilatentur, ne in pristinum contractionis statum se retrahere queant, erit actio solidorum & fluidorum inæqualis, i. e. actio expansionis superabit resistentiæ actionem. Sed fibra debilis est ægra, uti demonstravit *Schreiber*, quia adeo parum cohæret, ut vel levi motu non determinato solvi possit: facile hinc percipitur, impetu paulo majori facto, quam ut fibræ illum ferre possint, solutionem continui fieri. Adplicatis jam hisce ad vascula illa (§. 2. 5. 8. 10, 11, 12.) descripta, sponte prima sputi cruenti elucescit causa.

§. 15. Habitus plethoricus est ea corporis constitutio, quæ ex abundantia boni sanguinis mutationes illas ferre non potest, sine morbo inducto, quas ferret, si abundantia illa abesset. Si ergo nimia sanguinis copia in corpore (§. 14:) designato, vasa ultra solitum distendit, momentum resistentiæ superatur à momento pressionis, unde vasorum tennerrimorum disruptio. An vero sanguis bonus, densus, fibrosus, purpureus, pro causa præcipua & proxima materiali hæmoptöes judicandus? obstat observatio Hoffmanni.

§. 16. Quando sanguis tenuis, volatilis, acris, vasa perreptat minutissima, facillima oritur erosio: Sed vasa pulmonum sunt subtilissima & minutissima, (§. 10 11.) & quia sanguis acrimonia dotatus, hæc necessario transire debet, illa rodit, debilitat, rarefaciendo expandit, unde levissima quadam occasione data illorum substantiam sic prædispositam (§. 14, 15.) in rupturam adigit.

§. 17. Pulmonum dispositio hæreditaria, mala conformatio, ætas, evacuationes solitæ suppressæ, ut consuetæ mensium & hæmorrhoidum excretiones morbum excitant. Sanguis enim per hæc vias exire consuetus, jam à quacumque demum causa retentus, majori quam solet copia circulatur, unde, quia vis vitæ augetur, & vasorum pulmonalium substantia tenerrima (§. 10. 11. 16.) est, impulsus adcelerato motu sanguis minima distendit vascula, unde disruptio & humoris rubicundi effusio.

§. 18. Contusio, obstructio, ictus, lapsus ab alto, nixus intensior, labor vehemens, magni oneris gestatio, cursus validus, alimenta, medicamenta que valde calida, acrida, potus spirituosus, intempestivus balnearum, sudoriferorum, purgantium & emeticorum usus, crebræ frequentesque aëris mutationes, partus difficilis, excernendorum fœcum duriorum pressio, odorifera fortissima, tussis, risus, cantus nimius, venus sæpius agitata, sternutatio nimia, in corporibus (§. 14, 15, 16, 17.) descriptis facillime Hæmoptoem procreant.

§. 19. Signum est causæ alicujus, vel præsentis, vel præteritæ, vel futuræ cognitio. Præsentia nostri morbi adesse conligitur (1.) ex spumosi sanguinis floridi & coccinei coloris excretionem (§. 12.); ex faucibus enim proveniens minori quantitate, minime spumosus, sed pituita permixtus, cum titillationis in illa parte sensu expuitur. (2.) ex tussi, cum dolore levi, frequente. (3.) angusta circa præcordia oppressione, (4.) anhelitu, (5.) dolore gravativo undulatorio circa diaphragma, (6.) flatulentia in abdomine, (7.) extremorum refrigeratione, (8.) pulsu molli, (9.) sapore falso in ore antegresso.

§. 20. Distinguitur ab illo (1.) qui è naribus in fauces & pulmones descendit, ac inde postea scretu grumofus per os rejicitur, præcedente in palato titillatione, in capite dolore aut gravitate. v. *Hoffman*. (2.) Ab extravasato in thoracis cavitate, & per os ejecto sanguine, in pleuritide, quia in hac præter lateris dolorem præientem, sanguis minori copia,

pia, & pituita permixtus expellitur. (3.) Ab illo qui ex tracheæ tunica, quæ densa vasculorum rubrorum ramificatione obducta est, tussicula levi, pauca quantitate, pulmone non oppresso erumpit. (4.) Qui è larynge rejicitur, ex præcedentibus (n. 2.) cognoscitur signis, accedente illo, quod fere inscia mente fiat, (5.) Ex ventriculo provenire sanguinem, nigredo cruoris & grumosa coagulatio citra tussim satis indicat. (6.) A vomica rupta, per puris evomitionem & rejecti sanguinis detestabilem fere odorem facile discernitur.

§. 21. Signum futurum, seu prognosticum, pro varietate causarum periculosum est. Si vas magnum ruptum, periculum in mora; quo major enim excreti sanguinis copia, eo deterior: hinc nisi intra breve temporis spatium consolidatio fiat, inflammatio, suppuratio, ulcus, phthisis ægro lentam mortem pronuntiant.

§. 22. Pulmo vero cum omni momento aërem (§. 2. 3. 6-9.) & sanguinem (2. 8. 9.) excipere & expellere debeat, conjunctio autem solutionis continui quietem requirat, facile conligitur, magno vase rupto (§. 21.) curationem difficillimam fore.

§. 23. A vasorum erosionē (§. 12. 16.) orta sanguinis re-jectio ab auctoribus pro malo habetur vix curabilis: sanguinis enim globuli acriores redditī minimorum vasorum fibras rodunt, & suppurationem, ulcus, phthisin inducunt, fovēt, mortemque adpropinquare adlaborant.

§. 24. Si igitur à magno vase rupto, eroso, dilatato (§. 11. 12. 21. 23.) magna sanguinis copia redditur, sæpe ultimam cum cruore reddunt animam; hæc vero copia si retinetur, suffocantur.

§. 25. Ramorum minorum dilacerationem & sanguinis minori sequitur copia excretio; hoc si homini cæterum sano à causa contingit externa, convalescentiæ quædam futuræ adfulget spes. Si vero talem cui prostratæ sunt vires e. g. Cachecticum, Scorbuticum, vel Phthisicum

infestaverit sputum sanguinis, eo funestius cenferi solet: acrimoniæ enim scatentis in his corporibus abundantia (§. 23.) mala eo citius adcelerat atque exacerbat.

§. 26. Quibus vero hoc malum prædicatur, illis plerumque comitati solent esse signis, quæ *Magnus Boerhaave Præceptor æternum venerandus* Aphorismo 1198. nervoso depinxit stilo, & quo L. B. conduco.

§. 27. Sine ullo vero sæpe graviore damno malum hoc tulisse observationes prostant, quibus consueæ mensium & hæmorrhoidum excretiones (§. 17.) non per vias justas, sed per hunc locum amandantur.

§. 28. Curatio est illa corporis mutatio, ut ex ægro fiat sanum. Cum vero in casu præsentis, si corpus non mutaretur morbus pejor, vel mors cita sequeretur, incumbendum erit in id, quomodo illa corporis mutatio institui debeat, ut morbus pejor, vel mors non sequantur.

§. 29. Cum causæ nostri morbi in dilatatione (§. 14.) ruptione (§. 15.) erosionem (§. 16.) quam maxime consistant, ut has tollamus omnis cura adhibenda: sublata enim causa tollitur effectus.

§. 30. Quia in præsentis morbo vas ruptum est, (§. 14-25.) vis vitæ vero cordis permanet, (§. 8. 11.) quæ calorem auget, calor vero vasa dilatat, (per. exper.) & sanguis omni momento per pulmonem fluit; (§. 2.) jam vero hac data porta ab urgente à tergo sanguine exire cogitur, vis vitæ imminuenda erit. Sed venæ sectio vim vitæ & celeritatem sanguinis rite adplicata inhibet, illa ergo rite facta in hoc casu instituenda erit: nam vi vitæ imminuta & vasorum minuatur dilatatio necesse est, unde ruptorum unio eo felicius producenda.

§. 31. Cum ergo venæ sectio vim vitæ temperet, (§. 30.) qui primus est curationis nostræ scopus, ea extemplo erit instituenda. Locus sit vel brachia vel pedes, quod medici relinquimus indicationi: copiam vero quod spectat, si æger vires sufficientes habet ad uncias x. plus vel minus edu-

educendus erit, & si una evacuatio non sufficit post modica intervalla prudenter iteranda.

§. 32. Si vero à materia acrimonia dotata (§. 16.) originem trahat Hæmoptœe, ægerque sit debilis, nulla, vel saltem parva fiat venæ sectio, illaque sit eo parcior, quo major sanguini inhæret acredo, ne animam cum pauca sanguinis simul extrahamus quantitate.

§. 33. Medicamentum est instrumentum medici, quod corpori ægroto ritè adplicatum, illud in sanum mutat: sed medicamentum in C. H. non agit, nisi vis ejusdem adcedat corporis; in nostro vero ægro vis vitæ major ponitur, quam requiritur, tale ergo insinuandum illi erit, quod humorum æstum demulcēt, & vim vitæ debiliorem reddit. Refrigerantia hinc cum vasorum capacitatem augeant, & consequenter motum projectilem minuant, patet, quod hæc ad morbum nostrum infringendum locum inveniant. Referuntur horum in censum omnia aquosa, succi ex plantis nitrosis, acida blanda, moderate inviscantia, oleosa &c.

§. 34. Sanguis extravasatus diluendus, resolvendus, & per laryngem expellendus. Cruor enim circuli legibus amplius non subjectus in massam abit spissiore, denique conrodentem ichorosam, unde vasa vicina eroduntur, novam sic causant hæmoptœen, tandemque tabem lethalem. Ne igitur malum attrahat pejus, cruor qui est liquidarum molecularum præternaturalis coalitus in naturalem fluidum redigendus est statum: hoc vero quia fit diluentibus & solventibus, hæc in hoc casu adhibenda esse quis non videt. Rejiciuntur vero omnia acria, ut sales volatiles, alcalini fixi, ex plantis incineratis, Spiritus &c. Commendantur vero saponēs nativi ex plantis & fructibus horæis, omnia quæ lubricant & detergunt, ut olea blanda, Hydromel, Vitel. ovor, manna, balsamica, &c.

§. 35. Diætā acrimoniæ peccanti opponenda. Cum enim humores sint tenues acres (§. 16. 32.) mutandi sunt in blandos spissiores per medicamenta (§. 33.) sed quæ

ex Diætetica desumuntur hoc faciunt, ergo adhibenda. Lac hinc & lacticia quam maxime conveniunt, humores incrassando tenues, acresque demulcendo; habenda tamen ventriculi ratio; ut successive ingerantur.

§. 36. Brachiis & femoribus lenissime sunt adplicanda ligacula, ne pars gangrænescat; sic enim minor per venas compressas versus cor, quam per arterias laxas ad exteriora sanguinis defertur copia. Cum vero per hoc impetus sanguinis, qui in morbo nostro quam maxime timendus compescatur, evidens est, artus laxè fasciis esse circumligandos.

§. 37. Adstringentia, cane pejus & angue, fugienda, licet inconsulto ore blaterent, quod hæc oscula reſerata occludant, & vascula disrupta consolident. Blandum me hercle pollicitum! Sed, en! dicis ad tempus sanguinis fluxum sistunt, vera profers. Patuit vero ex hypothese vasa esse debilia (§. 14. 18.) & vim vitæ imminutam, (§. 30. 31.) ingeras jam adstringentia, conglutinantia, sanguis ergo hoc viscido infarctus, a superstite vi vitali in vascula pulmonum propelletur; sed hæc sunt subtilissima (§. 10. 11.) & in nostro casu debilia (§. 14. 15.) hinc impulsum & infarctum stagnat, adcumulatur, in corruptionem abit, inflammationem, suppurationem putredinem, empyema producit. Sed hæc mortem adcelerant, cum vita servanda foret, adstringentia ergo fugienda.

§. 38. Arctæ vestes demendæ. Per has enim externæ comprimuntur partes, internarum (quæ omnes inter se co-hærent) similis erit conditio, minimis hinc venulis cutaneis constrictis, majorum major erit repletio, major sanguinis venosi ad cor dextrum adpulſio, major cordis intra idem temporis spatium contractio & expulsio, major infra idem tempus, in vascula (§. 10. 11.) descripta fluxus; quia verò nulla, vel saltem minima in pulmone resistantia, status vero corporis (§. 14. 15.) notatus adcedat, patet quod arctæ vestes in casu ubi solutio continui nondum facta, illam promoveant, in altero vero, ubi jam facta, plus detrimenti adferant. Arctæ vestes ergo in primo & altero aufe-

rendæ

rendæ casu. Respondebimus ergo facile : cur in gracili tenellaque amabilis sexus fabrica, pectus in angustias cogentis, ut junccum videatur hic mos tam perniciosus.

§. 39. Motus corporis & animi ægro nostro maximopere vitandi; musculorum enim actio sanguinis circuitum augeat, & illum æquali temporis spatio citius per pulmones transire efficit; cum vero vas in nostro morbo ruptum sit, (§. 30.) unde hac data porta sanguis majori copia exire possit, sanguinis vero celeritas ante omnia imminuenda sit, (§. eod.) evidens est, hosce motus summopere esse fugiendos.

§. 40. Alvus adstricta laxa reddenda. In morbo nostro enim quam maxime contra sanguinis impetum militandum est; (§. 30.) in alvo adstricta vero cum conatus ægri exonerandi intestina crassa, impetum sanguinis augeant, indeque novam ejus effusionem producant, laxitatem illi procreandam esse nemo non videt. Clyisma vero cum fibrarum laxitatem efficiat & foeces crassas sine ullo ægri incommodo eliciat, illud in hoc casu adhibendum erit.

§. 41. Aër sit frigidus & siccus. Calidus enim & frigidus celeritatem & impetum sanguinis augent, qui tamen moderandus (§. 30.) est, calidus ergo & frigidus fugiendi. Thermometrum hinc Fahrenheitianum ad calorem explorandum quam maxime conducit; hujus enim ope caloris gradus determinari possunt, unde pro lubitu aër emendari potest, ut scopo nostro inserviat. In nimis calido hinc conspersio aquæ frigidæ super pavementum, vel justa aquæ cum nitro profunt inprægnatio. Circumspectio vero habenda, ne calor subito imminuatur, quod vero indicium thermometri & medici præcavent judicium. Frigidus calore aucto & humidus suffimigiis morbo nostro non adversis conriguntur.

§. 42. Victus sit tenuis refrigerans, antiphlogisticus, sæpius, sed parva copia ingestus, ex decocto panis, orizæ, Hord. vel ejusmodi generis aliis, quæ *Celeb. Boerhaave* libellus de Mat. Medica, opus illud, quod nec poterit ferum, nec edax abolere vetustas, sufficienter suggerit.

§. 43. Cura confirmans in causæ primariæ nostri morbi
abla-

ablatione consistit; sed illam posuimus esse fibram debilem, quæ ægra est; (§. 14.) omne illud ergo, quod statum fibræ mutat, & in fortem i. e. sanum redigit, curat. Omnia jam quæ hoc perficiunt à *Cel. Boerhaave*, cujus nomen non tacebitur annis proxime secuturis, in Cap. de Fibra debili & laxa, ad umbilicum usque excussa sunt, huncce ergo fontem ut B. L. adeat rogamus.

§. 44. Hæc volui, nescius ne esses, L. B. supersunt omis-
sa quam plurima. Interim scias, è fontibus optimorum au-
ctorum hortulum meum inrigatum esse: Si me tamen sub-
fannas, perpendas velim, non omnibus datum esse, nasum ha-
bere. Haud uno tempore nascuntur scientiæ & adolescunt.
Limam ultimam adhibere temporis prohibet penuria, iter
parans in terras alio sole calentes. Vale.

F I N I S.

COROLLARIA.

I.

Nullibi in toto corpore major vitæ vis actio quam in pulmone.

II.

*Pulmo est viscus, quod necessario ad vitæ integritatem requiri-
tur, contra T. Cranen.*

III.

Hæmoptœe raro lethalis.

IV.

Nulla dantur medicamenta stricte sic dicta antihæmoptoica.